

## EZĒRA

### *Sirusu Isarailanɔ gbarɛnaa*

<sup>1</sup> Pesianɔ kina Sirusu kiblɛna wɛ̀ káaku gūn Dikiri té kàagu de yā kū à dà Ilimiane à ò ke yāi. Akū Sirusu kpàkpaa kè a b̀sun pínki, gbasa à kè takadan à pì: <sup>2</sup> Yā kū makū Sirusu, Pesianɔ kina ma òon dí. Dikiri Luda Musude tò andunia kpata s̄inda pínki ḡò ma pò ũ, akū à ma dite mà kpé boare Yurusalemu, Yudanɔ b̀sun. <sup>3</sup> Gbè kū à de a gbè ũ á té, Luda ḡò kú k̄ao à tá Yurusalemu, Yudanɔ b̀sun, à kpé bo Dikiri Isarailanɔ Luda kū à de Dikiri ũ Yurusalemunɛ gwe. <sup>4</sup> N̄ gbè kū ò ḡò p̄inɔ gbèdakenɔ kpányĩ kū andurufuuo kū wuraa kū aruzekɛnɔ kū pókādenɔ kū Luda kpé kū òtɛn gé bo Yurusalemu gbanɔ.

<sup>5</sup> Akū Yudanɔ kū Biliaminunɔ ɔmbedenɔ kū sa'orinɔ kū Levinɔ kū gbè kū Luda té k̄angunɔ f̀tɛ, òtɛn gé Dikiri kpé bo Yurusalemu. <sup>6</sup> N̄ gbèdakenɔ ɔ dàmma ò n̄ gbá andurufu pónɔ kū wura pónɔ kū aruzekɛnɔ kū pókādenɔ kū pò ɔgɔdenɔ kū Dikiri kpé gbanɔ pínki. <sup>7</sup> Akū Pesianɔ kina Sirusu bò kū Dikiri kpé pò kū Nebukanɛza s̄ɛtɛ yā zaa Yurusalemu à k̄atɛ a t̄ana kpé gūnnɔ. <sup>8</sup> À pì a ɔgɔ'uteri Mitiredanɛ à pò p̄inɔ naro à kpá Yudanɔ kina Sesebazaa, akū à kè lɛ. <sup>9</sup> Pò p̄inɔ dasi lén dí:

Wura ta baraakuri,  
andurufu ta w̄aa s̄ɔɔro,  
tire baraakuri donsari,  
<sup>10</sup> wura toko baraakuri,

andurufu toko wàa pla kũ kuriio,  
ta buri pãndenɔ wàa sɔɔro.

<sup>11</sup> Wura kũ andurufu tanɔ fùte pínki mèn dúbu sɔɔro kpé wàa pla. Kũ zìzɔɔ pìnɔ bòte Babilɔnu ò sù Yurusalemu, akũ Sesebaza sù kũ pìnɔ pínki.

## 2

### *Zìzɔ kũ ò sùnɔ*

<sup>1</sup> Babilɔnu kína Nebukanɛza Isarailanɔ kùkũ zìzɔ ũ à tà kũnwo Babilɔnu yã, akũ n gbēkenɔ bò zìzɔke pìn ò sù Yurusalemu, Yudanɔ b̀sun sà, akũ n baadi tà wētɛa. <sup>2</sup> N̄ don'arɛdenɔn dí: Zerubabeli, Yesua, Nɛemaya, Seraya, Rɛlaya, Mɔdekai, Bilisã, Misipa, Bigivai, Reumu kũ Baanao. Isaraila gɔgbē kũ ò sùnɔ dasi lén dí.

<sup>3</sup> Parɔsu burinɔ gbēnɔn dúbu pla kũ mèn basɔraakɔ akuri awɛɛplao.

<sup>4</sup> Sefatia burinɔ gbēnɔn wàa do kũ mèn basɔraakɔ akuri awɛɛplao.

<sup>5</sup> Ara burinɔ gbēnɔn wàa aakɔ kũ mèn bakendo sɔɔrosario.

<sup>6</sup> Pamɔabu buri kũ ò de Yesua kũ Yoabuo burinɔ ũnɔ gbēnɔn wàa g̃ero donsari kũ kuri awɛɛplao.

<sup>7</sup> Elamu burinɔ gbēnɔn wàa suddo kũ mèn bupla akuri awɛɛsiikɔ.

<sup>8</sup> Zatu burinɔ gbēnɔn wàa siikɔ kũ mèn basuppla awɛɛsɔɔroo.

<sup>9</sup> Zakai burinɔ gbēnɔn wàa aakɔ kũ mèn basɔraakɔ.

<sup>10</sup> Bani burinɔ gbēnɔn wàa aakɔ kũ mèn bupla awɛɛplao.

<sup>11</sup> Bebai burinɔ gbēnɔn wàa aakɔ kũ mèn baro awɛɛ'aakɔ.

12 Azagada burinɔ gbɛ̃nɔn wàa suddo kũ mèn baro awɛɛplao.

13 Adonikamu burinɔ gbɛ̃nɔn wàa aakɔ̃ kũ mèn baaakɔ̃ awɛɛsuddoo.

14 Bigivai burinɔ gbɛ̃nɔn wàa kuri kũ mèn bupla akuri awɛɛsuddoo.

15 Adini burinɔ gbɛ̃nɔn wàa pla kũ mèn bupla akuri awɛɛsiikɔ̃o.

16 Ata burinɔ gbɛ̃nɔn basɔɔro plansari.

17 Bezai burinɔ gbɛ̃nɔn wàa do kũ mèn basuddo awɛɛ'aakɔ̃o.

18 Yora burinɔ gbɛ̃nɔn basɔɔro akuri awɛɛpla.

19 Asumu burinɔ gbɛ̃nɔn wàa do kũ mèn baro awɛɛ'aakɔ̃o.

20 Giba burinɔ gbɛ̃nɔn basiikɔ̃ akuri awɛɛsɔɔro.

21 Bɛtilihamudeno gbɛ̃nɔn basuddo awɛɛ'aakɔ̃.

22 Nɛtofadeno gbɛ̃nɔn bupla akuri awɛɛsuddo.

23 Anatodeno gbɛ̃nɔn basuddo akuri plansari.

24 Azamavɛdeno gbɛ̃nɔn bupla awɛɛpla.

25 Kiriayarimudeno kũ Kɛfiradeno kũ Berodeno gbɛ̃nɔn wàa aakɔ̃ kũ mèn basuppla awɛɛ'aakɔ̃o.

26 Ramadeno kũ Gɛbadeno gbɛ̃nɔn wàa aakɔ̃ kũ mèn baro awɛɛdoo.

27 Mikimasadeno gbɛ̃nɔn basuddo awɛɛpla.

28 Bɛtelideno kũ Aideno gbɛ̃nɔn wàa do kũ mèn baro awɛɛ'aakɔ̃o.

29 Nɛbodeno gbɛ̃nɔn bupla akuri awɛɛpla.

30 Magbisideno gbɛ̃nɔn basuppla akuri awɛɛsuddoo.

31 Elamu pānde burinɔ gbɛ̃nɔn wàa suddo kũ mèn bupla akuri awɛɛsiikɔ̃o.

32 Arimu burinɔ gbɛ̃nɔn wàa do kũ mèn basud-doo.

<sup>33</sup> Lodudenɔ kū Adididenɔ kū Onɔdenɔ gbɛnɔn wàa aakɔ kū mèn basuddo awɛɛsɔɔroo.

<sup>34</sup> Yɛrikodenɔ gbɛnɔn wàa do kū mèn basuppla awɛɛsɔɔroo.

<sup>35</sup> Senadenɔ gbɛnɔn wàa baro plansari kū mèn baraakurio.

<sup>36</sup> Sa'ori buri kū ò sùnɔn dí:

Yesua buri Yedaya burinɔ gbɛnɔn wàa siikɔ kū mèn basɔraakɔ akuri awɛɛ'aakɔo.

<sup>37</sup> Ima burinɔ gbɛnɔn wàa sɔɔro kū mèn bupla akuri awɛɛplao.

<sup>38</sup> Pasu burinɔ gbɛnɔn wàa suddo kū mèn bupla awɛɛsupplao.

<sup>39</sup> Arimu burinɔ gbɛnɔn wàa sɔɔro kū mèn gɛro awɛɛplao.

<sup>40</sup> Levi kū ò sùnɔn dí:

Odavia buri Yesua kū Kadamielio burinɔ gbɛnɔn baaakɔ akuri awɛɛsiikɔo.

<sup>41</sup> Asafa buri lèsirinɔ gbɛnɔn basuddo akuri plansari.

<sup>42</sup> Zédákpári kū ò de Salumu kū Atao kū Talamɔo kū Akubuo kū Atitao kū Sobaio buri ũnɔ gbɛnɔn basuppla donsari.

<sup>43</sup> Gbɛ díɔn burinɔ mé ò Luda ɔn zīkerinɔ ũ:

Zia, Asufa, Tabao,

<sup>44</sup> Kerosu, Sia, Padɔ,

<sup>45</sup> Lebana, Agaba, Akubu,

<sup>46</sup> Agabu, Salamai, Anana,

<sup>47</sup> Gidɛli, Gaa, Raya,

<sup>48</sup> Rezī, Nɛkoda, Gazamu,

<sup>49</sup> Uza, Pasea, Besai,

<sup>50</sup> Asana, Mɛunimu, Nɛfusimu,

<sup>51</sup> Bakabuku, Akufa, Aru,

<sup>52</sup> Bazalu, Mɛida, Asa,

<sup>53</sup> Bakosi, Sisera, Tema,

<sup>54</sup> Nezia kŭ Atifao.

<sup>55</sup> Sulemanu zòbleri díno burino mé ò bò zìzoken  
ò sù:

Sotai, Asoferε, Peruda,

<sup>56</sup> Yala, Daakō, Gideli,

<sup>57</sup> Sefatia, Atili, Pòkerε Azebaimu kŭ Amio.

<sup>58</sup> Luda on zikerii pino kŭ Sulemanu zòblerii buri  
pino kà gbēnon wàa do kŭ mèn bakēndo akuri  
awεεplao.

<sup>59</sup> Gbēkeno bò Telēmela kŭ Telasao kŭ Kerubuo  
kŭ Adōo kŭ Imao, akŭ odi le ò n buri bozire óne  
kŭ Isarailanome n ũro. <sup>60</sup> Delaya kŭ Tobiao kŭ  
Nekodao burinome, ò kà gbēnon wàa aakō kŭ mèn  
bupla akuri awεεplao. <sup>61</sup> Sa'ori buri kŭ ò de Obaya  
kŭ Akozuo kŭ Bazilaio burino ũ sù do. Bazilai pì  
Giliada bùsu gbē Bazilai né sè yā, akŭ à a anzure  
pì tó sè. <sup>62</sup> Gbē pino n tó wète buri bozire takadan,  
ama odi boaro, akŭ ò gínne kŭ sa'orikeo. <sup>63</sup> Bùsu  
don'arēde pínne, tó adi ke sa'ori n yā gwà kŭ  
Urimuo kŭ Tumimuo baasiro, òsun sa'opo blero.

<sup>64</sup> Gbē pino n pínki gbēnon dúbu bupla awεεpla  
kpé wàa do kŭ basoraakōme. <sup>65</sup> N zòbleri gōgbēno  
kŭ nōgbēno kun do gbēnon dúbu suppla kpé wàa  
do kŭ basuddo akuri awεεsupplao. Lèsirino gōgbē  
kŭ nōgbēo kú kŭnwo do gbēnon wàa do. <sup>66</sup> Ò sō vī  
mèn wàa aakō kŭ mèn basuddo akuri awεεsuddoo,  
baragbāsō wàa do kŭ mèn bupla awεεsoro,  
<sup>67</sup> lakumi wàa pla kŭ mèn baraaakuri awεεsoro,  
zaaki dúbu suddo kpé wàa aakō kŭ basuddo.

<sup>68</sup> Kŭ ò kà Dikiri kpé bokia Yurusalemu, n  
ombedeno gba dà, de ò le ò Luda kpé keke ò boo a  
gbèn. <sup>69</sup> Ò gba dà kpé zī oḡoditeki gŭn n gbāna lén,

wura kiloo wàa pla kpé basɔɔro, andurufu tɔn aakɔ kũ sa'ori gyabanɔ basɔɔro. <sup>70</sup> Sa'orinɔ kũ Levinɔ kũ lèsirinɔ kũ zédákpārinɔ kũ Luda ɔn zíkērinɔ kũ gbē kpara kenɔ vùte vute lakutu kũ ò kèkēnnenɔ gũn, akũ Isaraila kparanɔ vùte n̄ wētēnɔ gũn.

### 3

#### *Dikiri gbagbaki bonaa*

<sup>1</sup> Kũ wē mɔ supplade kà, Isarailanɔn vutena n̄ wētēnɔ gũn, akũ ò kɔ kàkara Yurusalemu gbē dokɔnɔnɔ ũ. <sup>2</sup> Yozadaka né Yesua kũ a sa'ori dakenɔ kũ Sealatieli né Zerubabelio kũ a gbēnɔ Isarailanɔ Luda gbagbaki bò, de ò sa'opɔ kũ òdi ká tén à té kũ oa lákũ Luda gbē Musa ò a doka gũn nà. <sup>3</sup> Bee kũ òten vīna ke gbē kũ ò kú būsuu pìi gūnnɔne, ò gbagbaki pìi bò a gbèn, akũ ò sa'opɔ kũ òdi ká tén à té kũ ò Dikiria kɔnkɔ kũ ɔkɔsio. <sup>4</sup> Ò Kutadɔna dikpe kè lákũ à kú takada gũn nà, òdigɔ sa'opɔ kũ òdi ká tén à té kũ o lákũ gu digɔ dɔ nà lákũ ò a lé dīte nà. <sup>5</sup> Abire gbera ò sa'opɔ kũ òdigɔ ká tén à té kũ gɔɔ sīnda pínki ò kũ mɔ dufu pɔo kũ dikpe kũ Dikiri dītēnɔ pɔo kũ gba kũ òdi suonēnɔ. <sup>6</sup> Mɔ supplade gɔɔ káaku zīn ò nà Dikiri gbagbanaa le, bee kũ odi a kpé bo kòro.

<sup>7</sup> Ò ɔɔ kpà gbè'arinɔ kũ lí'arinɔa, akũ ò pòble kũ pómīnaao kũ nísio kpà Sidōdenɔ kũ Tayadenɔa, de ò sida lí zōzō Lēbana būsun ò yīyī ò géo ari Yɔpa funa ísiralá, lákũ Pesianɔ kína Sirusu n̄ gbá zé nà. <sup>8</sup> N̄ kana Luda kpé bokia Yurusalemu wē plade mɔ plade gũn, Sealatieli né Zerubabeli kũ Yozadaka né Yesua ò nà zīa kũ n̄ gbē kparanɔ, sa'orinɔ kũ Levinɔ kũ gbē kũ ò bò zìzòken ò sù Yurusalemunɔ n̄ pínki.

Ò Levi kũ ò kà wè̃ baro ke kũ ò dealanɔ̀ dìte Dikiri kpé zĩ pì gbē zōkōnɔ̀ ũ. <sup>9</sup> Yesua kũ a burinɔ̀ nàkōa kũ Kadamielio kũ a né Odavia burinɔ̀, akũ ò gò zĩ pì gbē zōkōnɔ̀ ũ kũ Enadadao kũ a burinɔ̀. Levinɔ̀mē n̄ pínki. <sup>10</sup> Kũ Dikiri kpéborinɔ̀ ten kpé pì ē pète, sa'orinɔ̀n zezε gwe sa'ori pókasanɔ̀ dadana, ò n̄ kākākinɔ̀ kũkũna, akūs̄ Levi né Asafa burinɔ̀n kú gwe dɔ̀ kũ sēgēnɔ̀ de ò Dikiri táaki léo lákũ Isarailanɔ̀ kína Dauda dìte yā nà. <sup>11</sup> Ò lè s̄i ò Dikiri táaki lè ò a sáabu kpà ò pì:

Dikiri mana,

a gbēke kena ókōnɔ̀ Isarailanɔ̀nε lakana vīro.

Akũ gbē s̄inda pínki wiki gbāna lè ò Dikiri táaki lè, kũ ò Dikiri kpé ē pète yāi. <sup>12</sup> Ama sa'ori paride kũ Levinɔ̀ kũ bede kũ ò zĩ kũ ò wé s̄i kpé káakulenɔ̀, kũ ò kpé pì ēbonaa è, ò wēnda s̄o d̄. Gbē kparanɔ̀ s̄, òten pɔ̀nna wiki lé dasi. <sup>13</sup> Gbēke dí pɔ̀nna wiki d̄ōkōnε kũ wēnda s̄ kũ òten d̄o doro, kũ baadi ten wiki gbāna lé yāi, akūs̄ ò wiki p̄i mà zā.

## 4

### *Iberesena kũ Dikiri kpéborinɔ̀*

<sup>1</sup> Kũ Yudanɔ̀ kũ Biliaminunɔ̀ iberenɔ̀ mà z̄izɔ̀ kũ ò sunɔ̀ ten kpé bo Dikiri Isarailanɔ̀ Ludanε, <sup>2</sup> ò s̄u ò Zerubabeli kũ ɔ̀mbedenɔ̀ lè ò p̄ínne: À tó ò kpé bo k̄ááo, zaakũ odì á Luda ki wete lán á b̄ame se. Odiḡs̄ a gbagbame zaa gɔ̀rɔ̀ kũ Asirianɔ̀ kína Esarad̄s̄ s̄u k̄oo la. <sup>3</sup> Akũ Zerubabeli kũ Yesuao kũ Isaraila bede kparanɔ̀ p̄ínne: Ó Luda kpébona de á yā ũro. Óni ó p̄o bo Dikiri Isarailanɔ̀ Ludanε ó t̄ne lákũ Pesianɔ̀ kína Sirusu dìtewere nà. <sup>4</sup> Akũ b̄usupidenɔ̀ ten wete ò Yudanɔ̀ n̄esεe yaka, òten wé

tānma de òsun kpé pì boro yāi. <sup>5</sup> Ò fīna bò kína lédammarinɔne zaa Sirusu ɔɔɔ ari à gèe pé Pesianɔ kína Dariusu kíblegɔɔa, akū ò gínne kū yā kū òten péaaɔ.

<sup>6</sup> Ò takada kè Asuerune kū à kí blè ɔɔɔ ò gbē kū ò kú Yurusalemunɔ kū Yudanɔ būsuo pínki káara kè a kia. <sup>7</sup> Bisilamu kū Mitiredao kū Tabelio kū ñ gbē kparanɔ takada kè Pesianɔ kína Ataseseɔne dɔ a kíblegɔɔa. Ò kènne kū Siria yāo, akū ò bòkɔtenɔ. <sup>8</sup> Bùsu gbē zókɔ Reumu kū a takadakēri Simisaio takada kè kína Ataseseɔne Yurusalemu yā musu dɔ ò pì: <sup>9</sup> Bùsu gbē zókɔ Reumu kū a takadakēri Simisaio kū ñ gbē kpara yákpatekerinɔ kū gbānadeno kū Tiripolideno kū Pesianɔ kū Erekideno kū Babilɔnudeno kū Susade kū ò bòte Elamu būsuo ɔɔɔ <sup>10</sup> kū gbē kū kína zókɔ bèereɔde Asubanipali ñ bóte ñ busun à ñ vútevute Samaria wēten kū Yuflati bara la gu pāndenɔ, <sup>11</sup> ókɔnɔ Yuflati baraladenɔ n zòblerinɔ mé o takada dí kènne kína Atasese, o pì:

<sup>12</sup> Kína, ñgɔ dɔ kū Yuda kū ò bò n kīnaa ò sù lanɔ gèe òten Yurusalemu wēte vāni pāsī pì kàte, ò èra òteni a bīni bo dɔ, òteni a bezi fute. <sup>13</sup> Kína, ñgɔ dɔ dɔ, tó ò èra ò wēte pì kàte ò a bīni bò ò làka, oni táfe bonne doro ke ete'ogɔ ke be'ogɔ, n ɔɔ kū ndi sí ni lago. <sup>14</sup> Tera lán dí bà kína, lākū n be wisin odì ble nà, adi kū ò n kpe ero. A yā mé à tò o takada dí kína kpāzanne de ò yā pì onne. <sup>15</sup> Ñ wete n dizinɔ takadanɔ ɔɔn ñ gwa, ñni dɔ dera wētepideno sã gbāna, ò wari dɔ kinanɔa kū būsuo gbānadeno. Zaa zī wētepideno yáketè kè zókɔ. Abire yāin ò wēte pì gbòro. <sup>16</sup> Kína, óten onne, tó ò èra ò wēte pì fute ò èra ò a bīni bò ò làka, ñnigɔ pòke vī Yuflati bara la



doro.

<sup>17</sup> Abire gbera kína takada kpàzǎíne à pì: Bùsu gbě zōkō Reumu kū a takadakēri Simisaio kū á gbě kpara kū ò kú Samaria kū Yuflati bara direno, ma fō kpàáwa. <sup>18</sup> Takada kū a kpàzǎmene, ò a kyó kè ò b̀̀k̀̀t̀̀emene. <sup>19</sup> Ma pì ò wete takada zĩno gũn, akũ ò lè yápurame, wētepideno ò d̀̀g̀̀ bo kınano kpepe. Zaa zĩ yáketedenome. <sup>20</sup> Kína zōkōno kpata blè Yurusalemu gwe, ò gbãna blè Yuflati baradiredeno a nĩ pĩnki, akũ ò táfe b̀̀nne kū ete'ogoo kū be'ogoo. <sup>21</sup> À yá dite gbě pìnone ò kámma bo sà. Òsun era ò wēte pì futero ari mà nĩ gba lé. <sup>22</sup> À laakari ke! Àsun nigazĩ kpá yá p̄iario, de yá v̄ani pì sún ɔ tá à ó ásarú kero yáí.

<sup>23</sup> Kũ ò kína Atasese takada pì kyó kè ò b̀̀k̀̀t̀̀e Reumune kū a takadakēri Simisaio kū nĩ gbě kparano, akũ ò f̀̀te ò g̀̀e ò Yudano lè Yurusalemu g̀̀no. Ò gĩne p̄s̄ip̄s̄ĩ ò pì ò kámma bo. <sup>24</sup> Len ò kámma b̀̀le kũ Luda kpé zĩ kũ òten ke Yurusalemuo ari Pesiano kína Dariusu kíblena wè plade gũn.

## 5

### *Tatenai takadakēna kína Dariusun*

<sup>1</sup> Annabi Agai kū annabi Zakari, Ido néo annabikeyá ò Yuda kū ò kú Yurusalemuno kū Yudano búsuuo kū Isarailano Luda tóo. <sup>2</sup> Akũ Sealatieli né Zerubabeli kū Yozadaka né Yesuao f̀̀te ò nà Luda kpé bonaaa Yurusalemu. Luda annabii pìnnon kú kũnwo òten kpányĩ. <sup>3</sup> Gwe g̀̀no Yuflati bara la don'arede Tatenai kū Seta Bozenaio kū nĩ gbēno sù ò nĩ lé ò nĩ lá ò pì: Dí mé à á gbá zé à kpé dí keke à boo? <sup>4</sup> Ò gbě kũ òten kpé pì bono tó gbèka

ɔɔ. <sup>5</sup> Ama Luda wé té Yuda gbě zōkō pìnɔi, akū odi oñne ò kámma boro. Ò pì oni légbāzā ke Dariusune gĩa, oni takada kū ani kē a yā musu le. <sup>6</sup> Yuflati bara la don'arede Tatenai kū Seta Bozenaio kū n gbě Pesiano takada kē, akū ò kpàzā kína Dariusune. <sup>7</sup> Légbāzā kū ò kènne dí, ò pì:

Kína Dariusu, o fɔ kpàmma manamana. <sup>8</sup> Kína, ñgō dō kū o ge Yudano busun ari Luda kū à zōkō kpén. Òten kpé pì bo kū gbè gbèntēno òten lí lèkete kpáte kpé pì gbìn. Òten zī pì ke kū laakariio àten taa o. <sup>9</sup> O yā làla n gbě zōkōna o pì: Dí mé à á gbá zé à kpé dīkīna keke à boo? <sup>10</sup> O n tó gbèka de ò le ò onne, akū o n don'arede pìnɔ tó dà takadan. <sup>11</sup> Lákū ò yā wèwá nàn dí. Ò pì, musu kū zīteo Luda zòblerinome n ũ. Kpé kū ò bò yā à wèe kè ò kèke òten bo ɔɔ. Isarailano kína zōkō mé à bò yā. <sup>12</sup> Ò pì n dizinɔ Luda Musude pɔ fè, akū à n ná Kaladia buri Nebukanēza, Babilonu kīnane a ɔi, akū à kpé pì wìwi à gbě pìnɔ sète à tà kūwo Babilonu. <sup>13</sup> Ama Babilonu kína Sirusu kīblena wè káaku gūn à yā dīte à pì ò era ò Luda kpé pì bo ɔɔ. <sup>14</sup> Bee wura kū andurufu pɔ kū Nebukanēza sète Luda kpén zaa Yurusalemu à kàte a tana kpén Babilonunɔ, kína Sirusu bôte à kpà Sesebaza kū à dīte busu don'arede ũa. <sup>15</sup> À pine à pɔ pìnɔ sé à gé à kàte Luda kpén zaa Yurusalemu, tó ò kpé pì kèke ò bò. <sup>16</sup> Akū Sesebaza sù Luda kpé ē pète. Òten kpé pì bo zaa gɔɔ kua ari kū a gbārao, ama adi láka koro. <sup>17</sup> Kína, tó à kènne mana, n takada wete kīnano takadakatekia zaa Babilonu n gwa tó kína Sirusu yā dīte ò Luda kpé bo Yurusalemu. Lákū n è nà, n légbāzā kewere.

## 6

*Dariusu yāditena Luda kpé bona yā musu*

<sup>1</sup> Kína Dariusu yā dìte, akū ò takada pì wète takada kū ò kàte Babilɔnu takadakatekianɔ té.

<sup>2</sup> Akū ò bò takada kokonaaa Ekεbatana wète bīniden Midiā būsun. Yā dīkīna kú a gūn de òsun sāsāiro yāi:

<sup>3</sup> Kína Sirusu kíblena wè káaku gūn à yā dìte Luda kpé kū à kú Yurusalemu musu, à pì ò kpé pì bo sa'oki ũ. Ò a ē kpáte, kpé pì lei ká gāsākuru baaakō, a yàasa gāsākuru baaakō. <sup>4</sup> Ò gbè gbèntē mèn aakō didikōa, lí lèkete mèn do, gbè gbèntē aakō, lí lèkete mèn do. Oni a fīna bo kū kīnabe ɔɔo. <sup>5</sup> Wura kū andurufu pó kū Nebukanēza sète Luda kpén Yurusalemu à sùo Babilɔnunɔ sō, oni era ò gé kàte a gbèn Luda kpén Yurusalemu.

<sup>6</sup> Akū kína Dariusu légbāzā kè à pì: Tera sà Yuflati bara dire gbē zōkō Tatenai kū Seta Bozenaio kū á gbē kū ò kú Yuflati bara gwenɔ, à á zīda gá gwe. <sup>7</sup> À Luda kpé bòrinɔ tó tēne. À tó Yuda don'aredenɔ kū n gbē zōkōnɔ Luda kpé pì keke ò bo. <sup>8</sup> Maten yā kū àsun ke Yuda gbē zōkōnɔne Luda kpé pì bonaa musu diteáre. À pó kū ò yeinɔ sète ma aruzekatekin gwe kú Yuflati bara dire táfe kū ò bòo, à kpámma pínki de zī pì sún ze doru yāi. <sup>9</sup> Pó kū ò yei pínki, zūsaa, sākaroo, sāne bòrɔ kū òdi Luda Musude gbagbaoo, póblewe, wisi, sèwē, nīsi, àgō kpá Yurusalemu sa'orinɔa lākū gu dìgō do nà lākū ò gbēka nà funaa sari, <sup>10</sup> de ò le ò sa kú à kà Luda Musudegu oa, ò wé keamene kú ma négōgbēnɔ. <sup>11</sup> Tó gbēke yā kú ma dìte dīkīna līte, oni ade kpé lí wo ò à pāa ò péte ò a be ke tubura ũ. <sup>12</sup> Tó

kína ke buri ke ten wete yā pì lite ke àten wete Luda kpé kù à kù Yurusalemu pì wí, Luda kù à tò a tókúaa pì a kakate. Makù Dariusu makù mé ma yā pì díte. Ò zĩ kea manamana.

### *Luda kpé sakenaa*

<sup>13</sup> Kù kína Dariusu légbāzā pìi kè le, Yuflatì bara la gbē zōkō Tatenai kù Seta Bozenaio kù n gbēno yā pìi kè kù laakarìio. <sup>14</sup> Akù Yuda gbē zōkōno kpébona ten gé are lākù annabi Agai kù annabi Zakari Ido néo annabikēyā ò nà. Ò kpé pìi bò ò làka lākù Isarailano Luda ò nà, lākù Pesiano kínano Sirusu kù Dariusuo kù Ataseseo a yā díte nà. <sup>15</sup> Ò Luda kpé làka Ada goro aakōde zĩ kína Dariusu kiblèna wè suddode gūn. <sup>16</sup> Akù Isarailano Luda kpé sa kè kù ponnao, sa'orino kù Levino kù gbē kpara kù ò sù kù zìzokèono n pínki. <sup>17</sup> Luda kpé sakenaa pì yāi ò sa ò kù zùsano mèn basoro kù sàkarono mèn wàa do kù sâne bōrono mèn wàa pla, akù ò sa ò kù blèkofinino mèn kuri awēpla Isaraila dasi lén n pínki durunna kùtekebo ũ.

<sup>18</sup> Ò sa'orino ditedite gā kù gāao, akù ò Levino ditedite gā kù gāao do de ò zĩ ke Ludane Yurusalemu lākù à kù Musa takada gūn nà. <sup>19</sup> Mò káaku goro kuri awēsiikōde zĩ, zìzo kù ò sùu pino Vĩnla dikpe kè. <sup>20</sup> Sa'orino kù Levino gbà bò n zĩdane ò gè gbāsì sari n pínki, akù ò Vĩnla sã kùtu kpàkpa zìzo kù ò sùnōne kù n sa'ori dakeno pòo kù n zĩda pòo. <sup>21</sup> Isaraila zìzo kù ò sùu pino mé ò sò kù gbē kù ò n zĩda kè buri pāndeno yābènekēnanōa òten Dikiri Isarailano Luda ki wetenō. <sup>22</sup> Akù ò Burodi Futenasari dikpe kè kù ponnao ari goro suppla.

Dikiri tò ñ pò kè nna, zaakū à tò Asiriano kína nèseε lite ñ yā musu, akū à kpànyĩ a kpé bona zĩ gūn, Isarailano Luda pìi.

## 7

### *Ezera su à Yurusalemu sorukenaa*

<sup>1-5</sup> Yā birenɔ gbera Pesianɔ kína Atasεε kiblegɔɔa Ezera bò Babilonu à sù. Sa'oriki zòkò Haruna mé à Eleaza ì, Eleaza Fineasi ì, Fineasi Abisua ì, Abisua Buki ì, Buki Uzi ì, Uzi Zeraya ì, Zeraya Merayo ì, Merayo Azaria ì, Azaria Amaria ì, Amaria Aitubu ì, Aitubu Zadòki ì, Zadòki Salumu ì, Salumu Ilikia ì, Ilikia Azaria ì, Azaria Seraya ì, akū Seraya Ezera pìi ì. <sup>6</sup> Ezera bi yādanneriime, à Musa doka kū Dikiri Isarailano Luda dìte dō sānsān. Lákū Dikiri a Luda ɔ kúa nà, kína pò kū à wé kèaa kpàa pínki. <sup>7</sup> Kína Atasεε kiblana wè supplade gūn Isaraila kenɔ sù Yurusalemu dɔ. Sa'orinɔn kú ñ té kū Levinɔ kū lèsirinɔ kū zédákpārinɔ kū Luda ɔn zĩkerinɔ. <sup>8</sup> Ezera kà Yurusalemu kína kiblana wè supplade mɔ sɔɔrode gūn. <sup>9</sup> À fùte Babilonu mɔ káaku gɔɔ káaku zĩ, akū à kà Yurusalemu mɔ sɔɔro gɔɔ káaku zĩ. A Luda ɔ kúa, <sup>10</sup> zaakū Ezera mèε kpà Dikiri doka wàaripanaaa kū a kenaaɔ, de à le à a yāditenano kū a dokayāno dada Isarailanoε.

### *Takada kú kína Atasεε kpà Ezeraa*

<sup>11</sup> Takada kū kína Atasεε kpà sa'ori Ezeraa yān dí, kū àdi Dikiri yāditenano kū a dokayāno da Isarailanoε. <sup>12</sup> Atasεε, kinanɔ kína mé à takada díkĩna kè Luda Musude dokadanneri sa'ori Ezerane. Ma fɔ kpamma. <sup>13</sup> Ma yā dìte ma pì Isaraila ke sa'ori ke Levi kū à kú ma bùsun kū à ye à gé

kūnwō Yurusalemu à gé. <sup>14</sup> Makū kū ma ìba gbēnɔn supplanɔ mé o n gbarɛ de ñ gé Yurusalemu kū Yudanɔ būsuo pínki yā gwagwa n Luda doka kū n kūna musu. <sup>15</sup> Ñ andurufu kū wura kū makū kū ma ìbanɔ o Isarailanɔ Luda kū a bɛ kú Yurusalemu gbà sɛtɛ ñ géo <sup>16</sup> kū andurufuuo kū wura kū n lè Babilonu būsunwo pínki kū pɔ kū gbēnɔ kū sa'orinɔ kpà n Luda kpé pɔ ũ Yurusalemuo. <sup>17</sup> Ñ zùsanɔ kū sākaronɔ kū sãɛ bɔrɔnɔ lúlu kū ɔɔ pìio n laakariia ñ sa'opɔ kū òdi ká tén à té kū o n Luda kpé gbagbakia Yurusalemu kū flawa gbao kū pómína gbao. <sup>18</sup> Mɔkɔn kū n gbēnɔ à ke kū andurufuuo kū wura kū à gɔ̀ɔ lákū à kèáɛ mana nà, lákū á Luda yei nà. <sup>19</sup> Ñ pɔ kū ò nànnɛ n ɔ̃ n Luda kpé donyĩkebo ũnɔ kpá Luda kū à kú Yurusalemu pìia. <sup>20</sup> Tó n ye Luda kpé pɔ kparanɔi, tó a kekɛnaa gɔ̀ n yā ũmɛ, ñ sé ma laasin gwe. <sup>21</sup> Makū kína Atasesɛ, ma yā dìtɛ Yuflati bara dire ɔɔ'uterinɔnɛ n pínki. À wéke kū Luda Musude dokadanneri sa'ori Ezera kèáwa kpáa gɔ̀nɔ pínki. <sup>22</sup> Andurufu sún de tɔn aakɔlaro. Póblewe sún de tɔn baraakurilaro. Sèwɛ kū nísio sún de lita wàa basɔɔɔrolaro. Wisi sɔ, lákū à yei nà lén. <sup>23</sup> Lákū Luda Musude dìtɛ pínki nà, à kpá gɔ̀nɔ a kpé pɔ ũ, de àsun pɛtɛ ke kū ma kíkɛo ke kū ma nénɔoro. <sup>24</sup> Àgɔ̀ dɔ sɔ kū á zé vī à táfe ke ɛtɛ'ɔɔ ke bɛ'ɔɔ sí Luda ɔnn pì zīkerinɔaro ke sa'orinɔ ke Levinɔ ke lèsirinɔ ke zédákpārino ke zīkeri pāndenɔ.

<sup>25</sup> Mɔkɔn sɔ Ezera, ñ yákpatekerino kū yāgɔ̀gɔ̀rinɔ dìtɛdìtɛ ɔ̀ndɔ kū n Luda kpàmma lén, de ɔ̀gɔ̀ yā keke a zéa gbɛ kū ò kú Yuflati bara direnɔnɛ n pínki. Onigɔ̀ de gbɛ kū ò n Luda doka dɔ̀nɔ ũ. Gbɛ kū ò dɔ̀ronɔ sɔ, ñ dadañɛ. <sup>26</sup> Gbɛ kū n Luda doka

kū b̀usu dokao kūna ɔplaplaro, oni yã daala, a dɛnaa ke a bona b̀usun ke a aruzεke sinaa ke a dana kp̀ésirann yá.

<sup>27</sup> Akū Ezera p̀ì: Ò Dikiri ó dizinɔ Luda sáabu kpá! À laasun mana dà ḱinanε a sẁɛ̀n, akū ḱina p̀ì gbãna kpà a kpé kū à kú Yurusalemua lε. <sup>28</sup> À tò ma yã kà ḱina kū a ìbanɔgu kū a ḱina gbãnade dakenɔ ñ p̀ínki. Lákū Dikiri ma Luda ɔ kúma nà, ma k̀uu k̀è gbãna, akū ma Isaraila don'arɛdenɔ kàkara ò gé kúmao.

**Luda yá takada kú Bisá yáo**  
**Portions of the Holy Bible in the Busa language of**  
**Nigeria**

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

---

PDF generated using Haiola and XeLaTeX on 11 Nov 2022 from source files dated 9 Oct 2020

8631d380-7d17-5581-abf9-174814e8ccc3